


Bibel fa Kjinja  
brinjt junt



Eene  
schwoare  
Tiet fa  
Jesus



Jeschräwen von: Edward Hughes  
Jemolt von: Byron Unger un Lazarus  
Toom Pauss jestalt von: M. Maillot un Sarah S.  
Äwasat von: Ed Zacharias  
Hääjestalt von: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada


©2010 Bible for Children, Inc.  
Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.



Aus Jesus  
jedeept wort,  
säd Gott: "Du  
best mien Sän  
däm ekj goot  
sie. Met die  
sie ekj sea  
tofräd." Gott  
sien HEILJA  
JEIST kjeem  
rauf opp Jesus,  
soo aus eene  
Duw.



Boolt no daut, brocht  
Gott sien Heilja  
Jeist Jesus en eene  
Wiltnis. Jesus wia  
sea auleen.



Jesus deed 40 Doag fausten.  
Daut meent, hee eet nuscht.  
Hee wort sea hungrich.



De Bibel sajcht doa wieren  
uk wille Tieren.



Jesus wort vom Soton vesocht.  
Lang trigj haud de Soton Adam  
un Eva vesocht, daut see em  
Goaden Eden onjehuarsom  
wieren. Nu  
wort Jesus  
aufjeproofht.



De Soton wudd  
soogoa Jesus,  
Gott sien Sän  
vesieekjen.



"Wan du Gott sien Sän best,"  
säd de Soton, "dan saj daut dise  
Steena sellen Broot sennen." Hee  
wist daut Jesus hungrich wia.  
Hee wist daut Gott sien Sän kunn  
Steena to Broot moaken. Wudd  
Jesus dän Soton jehorchen?



Nä! Jesus jehorcht nich dän Soton. Hee auntuwad  
leewa von de Schreft: "De Mensch läft nich blooss  
von Broot, oba von aules waut  
Gott jerät haft."




Dan neem de Soton Jesus en de groote Staut Jerusalem nenn, nom Tempel wua de Lied Gott aunbäden. Waut wudd de Soton doa doonen?



"Wan du Gott sien Sän  
best, dan schmiet die hia  
rauf," säd de Soton. "Gott  
sien Wuat sajcht daut  
siene Enjel woaren die  
bewoaren."



"Nä," säd Jesus. "Daut steit jeschräwen: Doot däm Harn junen Gott nich vesieekjen."







De Soton vesocht noch eemol. Hee neem  
Jesus opp eenen huagen Boajch butare Staut.




Hee wees Jesus aule Kjennich-  
rikjs un äare Pracht oppe Ieed,  
un säd, "Ekj jäw die aul dit, wan  
du woascht ver mie kjneenen  
un mie aunbäden."



"Wajch met die, Soton," säd Jesus, "Daut steit  
jeschräwen, du saust Gott, dienen Harn, aunbäden  
un eensich am deenen."



De Soton veleet  
Jesus fa een Stoot.  
Dan passieed waut  
scheenet. Gott  
schekjt siene  
Enjel, daut  
see sienen Sän  
Jesus treesten  
un deenden.  
Hee wia  
Soton nich  
jehuarsom.



Eene schwoare Tiet fa Jesus


Eene Jeschicht von en daut Wuat Gottes,  
de Bibel

finjt eena en

Matäus 4, Lukas 4

"Wan dien Wuat openboat woat,  
jefst daut Licht." Psalm 119:130






Daut Enj



38



60



Dise Biblische Jeschicht sajcht ons von onsen wundascheenen  
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind  
nant. De Strof fa Sind es de Doot, oba Gott siene Leew fa ons es  
soo groot, daut hee sienen eensjen Sän, Jesus, schekjt, daut hee  
aum Kjriez stoawen sull un de Strof fa onse Sind nämen sull. Dan  
stunt Jesus vom Doot opp, un fua no sien Tus em Himmell! Wan du  
dän Gloowen aun Jesus hast, un am frajchst diene Sind to  
vejäwen, dan deit hee daut! Hee kjemt dan un läft en die, un du  
woascht opp emma met am läwen.

Wan du dit jleewen kaust, dan saj to Gott:  
Leewa Jesus, ekj jleew daut du Gott best, un worscht een Mensch  
toom fa onse Sind to stoawen, un daut du nu wada läfst. Komm en  
mien Läwen un vejeff mie miene Sinden, soo daut ekj nu nieet  
Läwen haben kaun, un noch emol opp emma no die kom. Halp mie  
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

